

Nova epoca e niev slontsch

Dacuort ha la suprazonza dalla Cuminonza romontscha da Flem clamau alla radunonza generala. Quella ha giu ina muntada speciala demai ch'ella ha stuiu tractar damondas dil futur. Marcel Camenisch, da Rueun a Flem, ei il niev president e successur da Hanspeter Meiler permier.

AUGUSTIN BEELI/FMI

In bien triep personas han dau suatientscha e menau ina discussiun prospereviala: La suprazonza dalla Cuminonza romontscha da Flem (CRF) aveva evidau uonn specialmein bual alla radunonza generala. Ins sesanfli en ina faza impurtonta e la damonda «co vinavon» seigi feg giustificada, aveva ella scret egl invit. Il fenadur 2023 ei il president Hanspeter Meiler morts suenter cuorta malsogna. El el staus la persuna da clav, quasi il «doyens», dalla CRF. Avon in onn, ils 21 da mars 2023, era el staus a disposiziun per ina nova perioda d'uffeci. Perschudadi dalla muntada dall'uniun, sco crap franc e ferm pil lungatg oriund da Flem, eis el separatiu pauc a diversas occurrenz. Pauc jamnas avon sia mort eis el staus oratur festiv per l'inauguraziun dil Mir romontsch sigl areal dalla scola, quei ils 3 da zercladur 2023 a caschun dalla fiasta 20 onns casa da scola Sumir.

Lecziuns da romontsch enstagl talian

El rapport annual dalla CRF ha il vice-president ed actuar *Giosch Gartmann* accentuau ils merets da Hanspeter Meiler. Il zercladur vargou hagi quel aunc saviu engraziar per la biala simbolica cul Mir romontsch, e las tablas veglias dalla Senda romontscha Foppa-Scheia che han anflau in plaz ideal. En connex culla scola han ins udiu novitads motivatas alla radunonza dalla CRF. *Ulyses Spescha* ha representau il meinascola *Marc Cathomas*. El ha informau ch'il lungatg romontsch seigi omnipresents en stanza da scolasts ed entifer il menaschi s'audi el tiel mingtgj. *Ulyses Spescha* ha era menziunau ch'igl interess pil rom facultativ seigi carschius legrevlamein. Scolast *Christof Laher* prestu buna lavur culs giuvenils, l'emprema gada frequentien dapli dad eis las lecziuns da romontsch che quella da talian.

Vendergis, ils 12 d'avril 2024, organisescha la scola da Flem dil reminent in gi d'accent cul rapper e hiphopper da

Laax *Djago «Sirius» Deflorin*. Fertou ch'is giuvenils muosau interess per lecziuns facultativas da romontsch, gauda la generaziun pli veglia ils survetschs divins romontschs ella baselgia da Fidaz. Quell'occurrenza s'auda vinavon tiel program dalla CRF. Grazia a quella gauda in triep glieud regularmein ina sentupada pacifica da cumpignia. Quels survetschs divins meina da niev il pleon da Glion, *Hans Jakob Riedi*, oriunds da Castrich.

Marcel Camenisch, niev president

Era la politica communal ignorescha buc, anzi, appreziescha il romontsch a Flem. Quei ha il gerau *Nicola Fanini* puntuau. El ha visitau la radunonza generala ed ei s'enscret sco commember dall'uniun. La gerau dil departament da scola, *Sol Britz Bonderer*, ei dapi racons onns commembra, uonn ha ella stuiu seperstgjar per motivs famigliars. *Giosch Gartmann* ha beneventau specialmein ils representants da scola e vischnaunca, medemamein *Uolf Candrian*, il promotur regional dalla Ligia Romontscha.

La CRF dumbra 124 commembras e commembers. Da quella e quels han varga 30 priu part alla radunonza generala. Suenter ina discussiun profunda pertuoccont avegnir, activitads ed ideas eis ei gartegiau da formar ina suprazonza. Sco niev president han ils presents elegiu *Marcel Camenisch*, oriunds da Rueun e sesents a Flems. L'agent da segirada ei attaschias alla cultura e fa part dalla vera sociala da Flem. Sco el ha sincerau, eis el motivaus da tgamanar l'uniun, el vegli denton buca surcargar il program d'occurrenz. Sco actuar ei *Giosch Gartmann* restaus en uffeci e sco cassier *Christian Parli*. Novs commembers da suprazonza ein *Erika Glau-Casty* e *Gieri Cathomen*. Era els dus ein motivai da s'engaschar per la preschientscha e la schientscha romontscha a Flem. *Natalia Fry* ei sortida dalla suprazonza, stat denton vinavon a disposiziun per projects ed occurrenz.



La suprazonza ch'ei seformada da niev, da sen. *Giosch Gartmann* (actuar), *Christian Parli* (cassier), *Erika Glau-Casty* (assessura), *Marcel Camenisch* (president) e *Gieri Cathomen* (assessor).

«Las autoritads da Flem reconuschan la valeta pli e pli»

Giosch Gartmann, oriunds da Lumbrin, habitoscha dapi diesch onns a Flem, il liug d'origin dalla consorta *Ruth Gartmann-Castricher*. Il temps da pensiun passenta il per ella casa paterna a Davont Esch, sper la baselgia sogn *Martin*. Il pedagog curativ *Giosch Gartmann* ha lavrau biars onns el Departament cantonal d'educaziun sco menader da partiziun e responsabel per las scolas specialas. Cun vegnir a Flem eis el entras ella suprazonza dalla Cuminonza romontscha da Flem (CRF) e daventaus, sco vicepresident ed actuar, il maun dreg dil president permier *Hanspeter Meiler*. En connex cun preparar, far l'elecziun e surdar il post al niev president *Marcel Camenisch*, ha *Giosch Gartmann*, analisau e circumscret la situaziun actuala dil romontsch a Flem. El fa quei cun quater cavazzins:

L'impurtanza dalla CRF

Giosch Gartmann: «La CRF ei daventada per mei in igriv, el qual il lungatg romontsch viva. La CRF ei activa nua ch'ei

setracta da sustener la viarva romontscha a Flem. Nus havein anflau bunas personas che meinan vinavon nos'uniun. Us hai jeu gronda speranza ch'il fiug creschi ed ardi dapli aunc tier personas giuvnas.»

Ina impressiun generala

«Jeu vivei ussa diesch onns a Flem e discuoer mintga gi romontsch. Quei schabegia en emprema lingua cun glesad da mia vegliadetgna. Jeu enconuschel denton era giuvnas e giuvens che han placher dil romontsch e discuoeran el. Ellas fan era quitaus per lur lungatg-mumma. Bein discuoeran ellas romontsch; ein denton era perschertas ch'il lungatg oriund savess ir a Flem da Cunclas oragiu.»

Il romontsch en prighel

«Tuttina sco il plaid «Ruinaulta» vegn savens remplazzau cun «Rheinschlacht», ei il prighel gronds che era auters plaid romontschs da Flem svaneschies. Per il plaid «ag la Cauma» temel jeu buc. Ei drova denton adina puspai personas che rendan attents da far inscripziuns per

romontsch sin casas, vias e muosavias. Autruisa svaneschan plaid romontschs pli e pli ed ils tudestgs domineschan. Quai muosau ils plaid «Eventhal», «Altes Schulhaus» ni era «Flimsenstein-enstagl Crap da Flem. Persuenter dat ei da niev in «FlemXpress.»

Las autoritads ed il romontsch

«Las autoritads da Flem reconuschan la valeta dil lungatg romontsch pli e pli. Cu jeu sun vegniu a Flem aveva ei num ch'ellas hagian negin interess per quei lungatg. Jeu sun leds da saver constatar or in'otra tenuta. Il biro da turissem sco era la vischnaunca politica da Flem han demussau ed decuos dile davos onns ch'els ein aviats da publicar activitads che neschan el ravugl dalla CRF. Aschia han ins denter auter anflau sin sesforums nosa parchida «Per gassa e streglias – auf den Spuren des Romanischen in Flims» ch'ei vegnida creada dalla Lia Romanescha en collaboraziun cun la CRF. Tals singuls signals dattan speranza ed ein nuttavia positivs pigl avegnir.»